

# Ժողովուրդ

10 մայիսի չորեքշաբթի 2023  
տպագրության ԺԲ տարի

65  
(2731)


Թ. Երևան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

## ՄՏՈՒԳՈՒՄ ԵՆ ՊԱՇՏՈՆՅԱՆՆԵՐԻՆ



Կոռուպցիայի կանխարգելման հանձնաժողով

«Ժողովուրդ» օրաթերթի տեղեկություններով՝ ՀՀ պետական պաշտոնյաների, մասնավորապես՝ ՀՀ վարչապետի, փոխվարչապետի, նախարարների անուկից դիմումներ են ուղարկվել Կոռուպցիայի կանխարգելման հանձնաժողով, քանի որ նրանց կողմից ներկայացված տարեկան հայտարարագրերում լուրջ խախտումներ են հայտնաբերվել: Հանձնաժողովը պարզաբանումներ է պահանջել պաշտոնյաների հայտարարագրերում առկա անճշտությունների մասով, եւ հիմա սկսել է գնահատել պաշտոնյաների ներկայացրած պարզաբանումները:

Հիշեցնենք, որ դեռևս 2022 թվականի նոյեմբերի 22-ին «Ժողովուրդ» օրաթերթը գրել էր, որ ՀՀ կոռուպցիայի կանխարգելման հանձնաժողովը դիմում է ներկայացրել ՀՀ ազգային անվտանգության ծառայության, որպեսզի նրանց օպերատիվ հետախուզական խումբը ստուգի բոլոր պետական պաշտոնյաների գույքը եւ պարզի՝ օրինակ՝ նրանք ունեն արդյոք բիզնես, անշարժ կամ շարժական գույք, որը չեն հայտարարագրել, կամ արդյոք վարում են մի մեքենա, որը հայտարարագրում ներկայացված չէ:

Եւ, ահա, ԱԱԾ-ի հետ համատեղ աշխատանքի ընթացքում բացահայտված անճշտություններն ու թաքցված նվերները դարձել են խնդիր պետական մի շարք բարձրաստիճան պաշտոնյաների համար: Իհարկէ, նրանք ինչ-ինչ բացատրություններ տվել են, բայց թե որքանով են հիմնավոր բացատրությունները, ցույց կտա ժամանակը:

Իսկ ի՞նչ բնույթի խախտումների մասին է խոսքը: «Ժողովուրդ» օրաթերթին հասած տեղեկությունների համաձայն՝ օրինակ՝ վարչապետ Նիկոլ Փաշինյանի ներկայացրած դիմումի մեջ առկա պարզաբանումներից մեկը վերաբերում է նրա ձեռքի ժամացույցին: Նա կրում է թանկարժեք ժամացույց՝ AWI ապրանքանիշից, սակայն չի հայտարարագրել: Հավելենք, որ վարչապետը ստանում է 1 մլն 580 հազար դրամ: Նա հազնում է թանկարժեք կոստյումներ, նրա կինը կրում է թանկարժեք զարդեր, սակայն Կոռուպցիայի կանխարգելման հանձնաժողովը մի AWI ժամացույց է մատնանշել միայն:

«Ժողովուրդ» օրաթերթի տեղեկություններով՝ ապրիլի 28-ից ադրբեջանական կողմը արգելել է առողջական ծանր վիճակում գտնվող քաղաքացիների տեղափոխումը Արցախից Հայաստան, անգամ Կարմիր խաչի միջնորդությամբ: Մեր տեղեկություններով՝ արգելվել է նաեւ ցանկացած տեսակի ապրանքի ներմուծումն Արցախ: «Ժողովուրդ» օրաթերթին այս առիթով մեկնաբանություն խնդրեց Արցախի նախագահի խորհրդակցական Դավիթ Բաբայանից: «Ես չեմ կարող հստակ ասել, պետք է պատկան մարմիններից ճշտել, բայց այն, որ, այսպես կոչված, անցակետը կամ ձերբակալման կետը տեղադրելուց հետո իրավիճակը բարդացել է, դա միանշանակ է: Անցակետի տեղադրումը լրիվ այլ իրավիճակ է ստեղծել. փաստորեն, դրանից հետո Արցախն ամբողջությամբ պաշարման մեջ է», - մեզ հետ զրույցում ասաց Բաբայանը: Արցախի ընդհիմադիր պատգամավոր Մետաքսե Հակոբյանն էլ հաստատեց մեր տեղեկությունը. «Ավելի շատ դրա մասին տեղեկացված են իշխանությունները, որոնք մեզ ոչինչ չեն ասում, բայց ակնհայտ է, որ ապրիլի 28-ից սկսած՝ Կարմիր խաչն իր առաքելությունը չի կատարում, հիվանդներ չեն տեղափոխվում Արցախից Հայաստան, ընտանիքների միավորում եւս չի կատարվում: Առավել քան ակնհայտ է, որ նման տեսակի բոլոր գործառնությունները դադարեցված են: Կոնկրետ ապրանքատեսակների մասին տեղեկություն չունեն, բայց, որ ամենակարևորն է, առողջական խնդիր ունեցող մարդկանց տեղափոխում չի իրականացվում», - ասաց նա:



«Ժողովուրդ» օրաթերթի տեղեկությունների համաձայն՝ Արաբկիր վարչական շրջանի նախկին ղեկավար Հովհաննես Շահինյանի քրեական վարչությունը անցնում է նաեւ Երևանի նախկին քաղաքապետ Երվանդ Զախարյանը: Մեզ հայտնի դարձավ, որ նրա դեմ ՀՀ քննչական կոմիտեի ՀԿԳՎ վարչությունում հարուցվել է հանրային քրեական հետապնդում: Ինչպես Հովհաննես Շահինյանն էր հայտնել, ոստիկանության Երևան քաղաքի գլխավոր վարչության մի խումբ աշխատակիցներ այցելել են իր ծնողների բնակարան, որպեսզի, քննիչի որոշման համաձայն, ձերբակալեն Շահինյանին, թեեւ վերջինս արդեն տեսական ժամանակ է բացակայում է երկրից: Նշենք, որ Հովհաննես Շահինյանին ձերբակալելու որոշում է կայացվել նրան հետազայում կալանավորման տանելու նպատակով, բայց կալանքի միջնորդությունը դատարանը մերժել է: Մեղադրանքը փողերի վաճառման հոդվածով է, ձերբակալության նպատակն ազատության մեջ գտնվող մեղադրյալին կալանավորման ներկայացնելն է, որը Հակակոռուպցիոն դատարանի կողմից մերժվել է, կալանավորման որոշում չի կայացվել:



Այս օրերին կրկին ակտիվորեն նշվում է այն մասին, որ ՀՀ-ն բարելավել է իր դիրքերը Մամուլի ազատության ինդեքսում: Մասնավորապես, հրապարակված ինդեքսում Հայաստանը, 51-րդ հորիզոնականի փոխարեն, արդեն զբաղեցնում է 49-րդ հորիզոնականը: Այս ինդեքսը ներկայացված է «Լրագրողներ՝ առանց սահմանների» կազմակերպության գեկույցում: Իհարկէ, առաջին հայացքից դրական է այս ինդեքսում հորիզոնականի բարելավումը, սակայն գեկույցում իրականում մեծ թվով խնդիրներ են ներկայացված: Որպես խնդրահարույց կետ՝ նշվում է այն հանգամանքը, որ պետական լրատվամիջոցները գերծ են մնում կառավարության հասցեին որեւէ քննադատությունից, մյուս կողմից՝ ատելության խոսքի մեծ չափաբաժնի մասին է նշված: Զեկույցում նշվում է, որ Հայաստանում լրագրողները մշտապես վիրավորանքների, հարձակման ու հետապնդման են ենթարկվում զրպարտության համար, լրագրողների նկատմամբ բռնությունն անպատիժ է մնում:



ՔԱՂԱՔԱԿԱՆ

ԴԱՎ Է ԵՂԵԼ

ՄԵՆՔ ՉԵՆՔ ՊԱՐՏՎԵԼ

«Ժողովուրդ» օրաթերթը 44-օրյա դասերագմից հետո բանակում ստեղծված իրավիճակի վերաբերյալ գրուցել է «Արաբո» ջոկատի հրամանատար, ազասամարտիկ Մամվել Եղիազարյանի հետ:

-Պարոն Եղիազարյան, սպավորություն է, որ այսօր արվում է ամեն ինչ մեր բանակի մարտական ոգին թուլացնելու, բանակը թիրախավորելու համար. ի՞նչ կատեթ այս մասին: Ձեր դիտարկմամբ՝ ի՞նչ վճարում է այսօր մեր բանակը:

-Այո, դա այսպես է, քանի որ իշխանության են եկել մարդիկ, որոնք իրենց բարենաստություններին են սիրահարված. նրանց պետք չէ, որ հայերին պաշտպանեն: Երկիրը պետք է այնպիսի մարդիկ ղեկավարեն, որոնք ոչ թե հացի համար կպայքարեն, այլ պատվով: Սրանք ամեն ինչ անում են, որ Հայաստանը դառնա ոտքի կոխան. եթե հները թալանում էին երկիրը, սրանք հիմա ամեն ինչ անում են, որ դառնանք անպաշտպան ազգ: Մենք ամենալավ զինվորներն ունենք, մենք երբեք մեր հաղթանակների մասին չենք բարձրաձայնել, մատնացույց չենք արել դրանք: Մի՞ մոռացեք, որ նախկինում հայոց այրուձին էին տանում այստեղ ու այնտեղ կռվելու համար, քանի որ իսկական զինվորներ ենք ունեցել, իսկ հիմա զինվորներին օտարացրել են մեզկից: Մոռանալով անցյալը՝ դու նորը չես կառուցի. միայն մարդը, որը սիրահարված է իր բարեմասնություններին, կարող է անցյալը մոռանալ:

-Իշխանության ներկայացուցիչները հայտարարում են, որ 44-օրյա պատերազմում մեր պարտության հիմնական պատճառն այն է եղել, որ մեր զինվորները չեն կռվել. դասալիքներ ենք ունեցել: Դուք ի՞նչ կատեթ, ի վերջո, ո՞րն էր պատերազմում պարտության պատճառը:

-Մենք պարտություն չենք կրել, սուտ են ասում, թե մենք պարտվել ենք, այդպես չէ. հայ տղամարդը պատերազմի ժամա-



կան իր իրական պատկերը ցույց է տվել: Պատերազմի 44 օրվա ընթացքում մենք այդքան զոհեր ու վիրավորներ ենք ունեցել, այդքան մարդ մարտի դաշտում զոհվել է, ոչ մեկը բարձրաձայն չի ասում այս մասին, քանի որ չեն ցանկանում բացահայտվի այն դավաճանությունը, որը եղել է պատերազմի ժամանակ: Բարդում են հայ տղամարդու վրա. չի եղել պարտություն, մոռացե՛ք, եղել է դավ, իսկ այդ դավը նոր չի սկսվել, սկսվել է 1992թ.-ից, երբ Հայաստանը եւ Արցախը թալանել են, մարդկանց արհամարհել են: Հիմա այն վիճակն է, որը մենք զգացել ենք Եղեռնից հետո. սա մեր երկրորդ Եղեռնն է: Այդքան հաղթանակներից հետո այսօր այս վիճա-

կին ենք, քանի որ մեր հաղթանակը չփայլաբացվեց, ամեն ինչ թողեցինք բախտի քմահաճույքին, արդյունքում ունեցանք այս վիճակը: Այսօր Հայաստանում նորից եղեռն է, որը եղել է 100 տարի առաջ:

-Պարոն Եղիազարյան, առաջիկայում նոր հաղթանակներ կտոնենք: Ի՞նչ պետք է անենք նորանոր հաղթանակներ գրանցելու համար:

-Առաջիկայում եթե կարողանանք տուրկուն լինել, այս վիճակից դուրս գալ, կարող ենք ավելի մեծ հաղթանակներ տոնել: Ամենակարեւորն այն է, որ հրամանատարը զորքը ղեկավարի, ոչ թե պատահական մարդ:

Ձրուցեց ՔՐԻՍՏԻՆԱ ՍՈՒԵՆՅԱՆԸ



ԱՅԼԵՎԱՍ ՉԻ ՏՊԱԳՐՎԻ

«Ժողովուրդ» օրաթերթի տեղեկություններով «Արմենայրես» լրատվական գործակալության կողմից հրատարակվող «Հայաստանի Հանրապետություն» օրաթերթը հաջորդ ամսվանից այլևս դադարելու է լույս տեսնել, քանի որ դադարեցվել է օրաթերթի ֆինանսավորումը, եւ կրճատվել է նաեւ աշխատակիցների թիվը: Մեր տեղեկություններով՝ օրաթերթի ֆինանսավորումը դադարեցնելու որոշում կայացվել է հեղ Նիկոլ Փաշինյանի կողմից:

Մրն է ֆինանսավորումը դադարեցնելու պատճառը. մեր աղբյուրներից տեղեկացանք, որ օրաթերթի աշխատակազմը դեմ է արտահայտվել Նիկոլ Փաշինյանի վարած քաղաքականությանը, վերջինս էլ որոշել է դադարեցնել ֆինանսավորումը, որպեսզի այն այլևս լույս չտեսնի:

«Ժողովուրդ» օրաթերթին «Արմենայրես» լրատվական գործակալության գլխավոր խմբագիր Նարինե Նազարյանը հայտնեց. ««Արմենայրես» պետական լրատվական գործակալություն» փակ բաժնետիրական ընկերության բաժնետիրոջ լիազոր ներկայացուցիչների ընդհանուր ժողովի որոշմամբ՝ 2023թ. հունիսի 1-ից կդադարեցվի «Հայաստանի Հանրապետություն» օրաթերթի եւ «Ռեսպուբլիկա Արմենիա» ռուսալեզու թերթի տպագրությունը:

Որոշումը պայմանավորված է թերթերի՝ 2022թ. ֆինանսական ցուցանիշների անփոփ հաշվարկով եւ ծախսարդյունավետության նվազ մակարդակով:

«Հայաստանի Հանրապետություն» օրաթերթը եւ «Ռեսպուբլիկա Արմենիա» ռուսալեզու թերթը 2017 պետական գործում են ««Արմենայրես» պետական լրատվական գործակալություն» ՓԲԸ կազմում, որի բաժնետոմսերը տնօրինում է Հայաստանի Հանրապետությունը»:

Նշենք, որ «Հայաստանի Հանրապետություն»-ը Հայաստանում լույս տեսնող պաշտոնական թերթ է, որը հրատարակվում է դեռեւս 1990թ.-ից:

ԿՐՔԵՐԸ ՉԵՆ ԴԱԳԱՐՈՒՄ

«ՍԼ Մայնիկ» ընկերության շուրջ բորբոքված կրքերը չեն դադարում: Նախ՝ հիշեցնենք, որ այս ընկերությունը փոխկապակցված է ՀՀ հատուկ քննչական ծառայության աշխատակազմի նախկին ղեկավար Դավիթ Սուքիասյանի հետ: Բանն այն է, որ այս ընկերությունը լուրջ խնդիրների առջև է կանգնեցրել Հակակոռուպցիոն դատարանի աշխատակիցներին: Մասնավորապես, «ՍԼ Մայնիկ» ընկերության գրասենյակը գտնվում է Հակակոռուպցիոն կոմիտեի հարեւանությամբ, ընկերության մեքենաները, այդ թվում՝ բեռնատարները, երթեւեկելիս վնասում են ճանապարհները, որն էլ հետո դժվարացնում է այդ ճանապարհով այլ մեքենաների երթեւեկությունը: «Ժողովուրդ» օրաթերթի կողմից արված կարդերում եւս երեւում է, որ ճանապարհին քարեր են, այն դժվարանցանելի է, եւ պատճառն էլ հենց այս ընկերության շինարարական գործընթացին մասնակից մեքենաներն են: «ՍԼ մայնիկ» ընկերության շուրջ դժգոհությունները բազմաթիվ են եւ միայն սրանով չեն սահմանափակվում: Պարբերաբար «Ժողովուրդ» օրաթերթը կանդիդատներն այս ընկերության գործունեությանն ու առկա դժգոհություններին:

ԿՎՐԾԻՔ

ՓԱՇԻՆՅԱՆԸ ՉԻ ՆԵՐՈՒՄ ՌՈՒՄՆԵՐԻՆ

«Քաղաքական Երեւանի սեանկյունից կասարյալ զգեստություն է արձագանք վերցնող փոխելը. հեռանալ Մոսկվայից նշանակում է մեծամասնապես Անկարայի հետ»,- մայիսի 9-ին լրագրողների հետ գրուցում ասաց Հայաստանի հանրադեմական կուսակցության խոսնակ Էդուարդ Շարմազանովը:

«Եթե մեր ժամանակ Հայաստանը դաշնակցում էր Մոսկվայի հետ, ապա Նիկոլի ժամանակ մտնում է Անկարայի տակ: Եթե խաղաղապահները չլինեին Ստեփանակերտում, այն կլիներ Խանքենի: Նիկոլ Փաշինյանը եւ իր թուրքադրոբեջանական հովանավորները չեն ներում ռուսներին, որ Շուշին Շուշա դարձրին, բայց Ստեփանակերտը Խանքենի՞ ոչ: Հայաստանի ապագան Ռուսաստանի եւ Իրանի հետ դաշնակցությունն է, բայց ոչ Նիկոլ Փաշինյանի դեպքում, որովհետեւ չեն դաշնակցում մեկի հետ, որն առավոտյան գնում է Վաշինգտոն, ցերեկը՝ Պրահա, երեկոյան՝ Մոսկվա: Օգնում են նրան, ով ուզում է ծնկած վիճակից ոտքի կանգնել»,- ասաց Շարմազանովը:

Անդրադառնալով ԵԿՄ նախագահ Սատուն Միքայելյանի հայտարարությանը, թե Շուշին պետք է ազատագրել գործով, ոչ թե խոսքերով, Շարմազանովն ասաց, որ Շուշին ազատագրել են Վազգեն Սարգս-



յանը, Սերժ Սարգսյանը, Ռոբերտ Քոչարյանը, Նիկոլ Փաշինյանն էլ հանձնել է:

«Հիմա Սատուն Միքայելյանն ո՞ւմ կողքին է: Իրենք խոսում են դավաճանությունից, բայց Շուշին հանձնել են իրենք, երբ որ չեն համաձայնել Պուտինի՝ հոկտեմբերի 19-ի առաջարկին, երբ որ հասարակությանը բաժանել են սեւերի եւ սպիտակների, երբ որ կազմաքանդել են հայոց բա-

նակը: Քանի դեռ կա այս կապիտուլյանտ իշխանությունը, մենք խնդիր ունենք եղածը պահելու: Ոչ մի լավ բանի պետք չէ սպասել իրենցից: Ի՞նչ սպասել մեկից, որ ուղեղում միայն զիջելն է. ինքը զիջելու է մինչեւ իր աթոռը: Կանգառը կլինի այն ժամանակ, երբ ժողովուրդը հասկանա, որ փրկությունը Նիկոլից ազատվելու մեջ է»,- ընդգծեց նա:

ԻՐԱՎԻՃԱԿ

ՏԱՐԲԵՐ

ԲԱՆԱԿՅՈՒԹՅՈՒՆՆԵՐԻ ՕՐԵՐԸ ՎԱՅՏՆԻ ԵՆ

ԳԻՏԱԿՑՎԱԾ ԸՆՏՐՈՒԹՅՈՒՆ

Արդեն մի քանի օր է՝ շարունակվում է Ազգային ժողովի մարդու իրավունքների պաշտպանության ու հանրային հարցերի մշտական հանձնաժողովի նախագահ Թագուհի Թովմասյանի նախաձեռնած «Ոչ Արցախի էթնիկ գտնանք» ստորագրահավաքը:

Երեկ լրագրողների հետ զրույցում Թագուհի Թովմասյանը հայտնեց, որ արդեն 150.000-ից ավել ստորագրություն հավաքվել է, իսկ ստորագրահավաքի արդյունքները ներկայացնելու է միջազգային տարբեր կազմակերպությունների. «Քաղաքացիները մտահոգված են Արցախի ճակատագրով. մարդիկ կան, որ գալիս են, մեքենան կանգնեցնում, ստորագրում, հետո նորից հետ գնում, կա՛ գալիս են տրանսպորտով, ասում են՝ շուտ ստորագրեմ, որ նույն տրանսպորտով հետ եմ գնալու: Սա գիտակցված ընտրություն է: Ինչքան շատ ստորագրություն հավաքենք, այնքան միջազգային ատյաններում մեր դիրքերը կամրանան»:

ՇՈՒՇԻԻ ԳՈՐԳԵՐԻ ԹԱՆԳԱՐԱՆ

Շուշիի գորգերի թանգարանի եւ «Արցախկարպետի» գորգերը երեկ Երեւանի կենտրոնում էին: Աժ մարդու իրավունքների պաշտպանության եւ հանրային հարցերի մշտական հանձնաժողովի նախագահ Թագուհի Թովմասյանի նախաձեռնությամբ երեկ Շառլ Ազնավուրի հրապարակում Շուշիի գորգերի թանգարանի եւ «Արցախկարպետի» գորգերի ցուցադրություն է կազմակերպվել: Արցախից բերված գորգերը տեսնելու համար բազմաթիվ քաղաքացիներ էին եկել:

Շուշիի գորգերի թանգարանի հիմնադիր Վարդան Ասծատրյանը եւս մասնակցում էր միջոցառմանը:

«Մոսկվա» կինոթատրոնի հարեւանությամբ շարունակվում է նաեւ Թագուհի Թովմասյանի նախաձեռնած ստորագրահավաքը՝ հանուն Արցախի:

ՅՈՒՐԱԿԱՏՈՒԿ ԻՐԱՎԻՃԱԿ Է

Մայիսի 9-ը եռատն է՝ Մեծ հայրենակալուն հաղթանակի, Շուշիի ազատագրման եւ Արցախի բանակի ստեղծման օրը: Մեծ հայրենակալուն տարած հաղթանակը եւ Շուշիի ազատագրումը հայ ժողովրդի մեծագույն հաղթանակներն են: 33 մի շարք բարձրաստիճան պաշտոնյաները, իշխանական եւ ընդդիմադիր պատգամավորները երեկ այցելել են «Հաղթանակ» զբոսայգի եւ հարգանքի տուրք մատուցել հանուն հայրենիքի նահատակված հերոսների հիշատակին: Իսկ թե՛ ինչպես են երեկ նշել մայիսյան հաղթանակի տոներն Արցախում, Արցախի նախագահի խորհրդակցական Դավիթ Բաբայանը նշեց՝ քանի որ այս տարի յուրահատուկ իրավիճակ է, առանձին միջոցառումներ չեն կազմակերպվել: «Յուրահատուկ իրավիճակ է ստեղծվել, բայց պետք է պինդ լինենք, չհուսահատվենք, քանի որ թշնամու նպատակը հենց դա է՝ մեզ հուսահատեցնել, որպեսզի գաղափարապես մեզ հաղթեն, քանի որ ֆիզիկականը խնդիր չէ: Մենք պետք է սա հասկանանք: Առանձին միջոցառումն այն է, որ մարդիկ այցելել են Ստեփանակերտի հուշահամալիր, հարգանքի տուրք մատուցել հանուն հայրենիքի նահատակված հերոսների հիշատակին, ծաղիկներ են խոնարհել»,- ասաց Բաբայանը:

Հայաստանի ու Ադրբեջանի արտաքին գործերի նախարարների՝ Վաչինգսոնում սեղի ունեցած բանակցություններից հետո այս Երեւանում կհանդիպեն Հայաստանի ու Ադրբեջանի ղեկավարներ Նիկոլ Փաշինյանն ու Իլհամ Ալիևը եռակողմ ձեռնարկով: Եվրոպական խորհրդի նախագահի գրասենյակն է այս սեղեկությունը ստանալու, սակայն առանց հսակեցնելու, թե կունկրես ինչ հարցերի օտուր են ընթանալու Շառլ Միշելի միջնորդությամբ բանակցությունները:

«Նախագահ Միշելը շարունակում է սերտ կապի մեջ լինել Հայաստանի եւ Ադրբեջանի ղեկավարների հետ Հարավային Կովկասում կայունությունը խթանելու եւ երկու երկրների միջեւ հարաբերությունների կարգավորմանն ուղղված Եվրամիության ջանքերն առաջ մղելու համար»,- այս մասին հայտնել են Եվրոպական կառույցից: Նաեւ տեղեկացրել են, որ արդեն կա պայմանավորվածություն հունիսի 1-ին նաեւ հնգակողմ հանդիպում անցկացնել՝ Գերմանիայի կանցլեր Օլաֆ Շոլցի եւ Ֆրանսիայի նախագահ Էմանյուել Մակրոնի մասնակցությամբ Մոլդովայում Եվրոպական քաղաքական համայնքի գագաթնաժողովի շրջանակում:

Միշելը նաեւ մտադրություն է հայտնել հրավիրել Հայաստանի, Ադրբեջանի, Ֆրանսիայի եւ Գերմանիայի առաջնորդներին երկրորդ հանդիպումն անցկացնել արդեն հոկտեմբերին Իսպանիայում Եվրոպական քաղաքական համայնքի հաջորդ հավաքի շրջանակում: «Միշելը, Փաշինյանը եւ Ալիևը նաեւ պայմանավորվել են շարունակել եռակողմ հանդիպումները Բոյոսելում այնքան հաճախ, որքան անհրաժեշտ է տեղում ընթացող զարգացումներին եւ բոյոսելյան հանդիպումների օրակարգային հարցերին անդրադառնալու համար»,- հայտնում է Եվրոպական խորհուրդը: Երեկ հարց է հնչել, թե արդյոք Բոյոսելում շարունակվելու են վաշինգտոնյան բանակցությունները, իսկ Անվտանգության խորհրդի քարտուղար Արմեն Գրիգորյանը նշել է. «Բոլոր հանդիպումներն էլ, կարծում են, ինչ վերաբերում է խաղաղության պայմանագրի բանակցություններին, միմյանց շարունակություն են, որովհետեւ հարցերը եւ հարցերի շրջանակները հայտնի են, թե ինչ հարցեր են



ընկարկելու»: Ամերիկյան կողմը Վաշինգտոնում կայացած բանակցությունները կառուցողական է որակում, խոսում զգալի առաջընթացի մասին, միևնույն էրեւանն ու Բաքուն նույնաբովանդակ աղորդագրություններով շեշտել էին առկա տարածայնությունների մասին: Արմեն Գրիգորյանը երեկ շեշտեց՝ բանակցություններում ամենակարեւոր հարցերի շուրջ Բաքվի հետ համաձայնության հասնել չի հաջողվում: «Դա Հայաստանի Հանրապետության սուվերեն 29 հազար 800 քառակուսի կիլոմետրի արձանագրումն է, Ստեփանակերտ-Բաքու միջազգային մեխանիզմի ստեղծումն է, ինչպես նաեւ միջազգային երաշխիքի ստեղծումն է, նայեք, նույնիսկ այսօրվա իրավիճակը, Նոյեմբերի 9-ի եռակողմ հայտարարության տարրերի պահպանումը չի հաջողվում, որովհետեւ, օրինակ, Լաչինի միջանցքը, ըստ եռակողմ հայտարարության, Ադրբեջանն այնտեղ

ներկա չպետք է լինի, բայց այս պահին ներկա է», - հավելեց նա: Արմեն Գրիգորյանը վերստին հայտարարեց՝ Երեւանը կարեւորում է միջազգային երաշխավորների ինստիտուտի անհրաժեշտությունը, որ կողմերն իրենց պայմանավորվածություններին հավատարիմ մնան:

Հավելեց, որ շաբաթվա վերջին սպասվող բոյոսելյան բանակցություններից հետո կրկին եռակողմ ձեռնարկով Մոսկվայում հանդիպում կլինի: Այդ մասին էլ լրագրողների հետ զրույցում հայտնել է ՀՀ արտաքին գործերի նախարարի տեղակալ Պարույր Յովհաննիսյանը՝ չհստակեցնելով, սակայն, առաջնորդների թե՛ արտգործնախարարների մակարդակով: Արտգործնախարարների հաջորդ բանակցությունները, ըստ հայտարարությունների, Ռուսաստանում կանցկացվեն մայիսին, բայց օրը հայտնի չէ:

ՆԱԽՐԱ ՀՈԿՅԱՆՆԻՍՅԱՆ

ԼՈՒՐԵՐ

ՉԵՆ ԱՅՑԵԼԵԼ «ԵՌԱԲԼՈՒՐ»

Իշխանության բարձրաստիճան պաշտոնյաները Շուշիի ազատագրման 31-ամյակի առթիվ երեկ՝ մայիսի 9-ին, չեն այցելել «Եռաբլուր» զինվորական պանթեոնին:

Վարչապետ Նիկոլ Փաշինյանը Հայրենական պատերազմի հաղթանակի 78-ամյակի միջոցառումների համար այժմ Ռուսաստանի Դաշնությունում է, սակայն երեկվա ընթացքում նույնպես նա չի այցելել պանթեոն: Փաշինյանը նաեւ ավանդական ուղերձ չի հղել Շուշիի ազատագրման առթիվ:

Պանթեոն չեն այցելել նաեւ հանրապետության նախագահ Վահագն Խաչատուրյանը, Ազգային ժողովի նախագահ Ալեն Սիմոնյանը, իշխող «Քաղաքացիական պայմանագիր» խմբակցության պատգամավորները:

Հավելեց, որ բարձրաստիճան պաշտոնյաները Հայրենական մեծ պատերազմ

ում հաղթանակի 78-ամյակի առթիվ այցելել էին «Հաղթանակ» զբոսայգի:

ԽՄՏԱՅՈՒՄՆԵՐԸ ԿԵՆՏՐՈՒՆԱԿՎԵՆ

ԵՄ-ն աշխատում է ՌԴ-ի դեմ պատժամիջոցների ռեժիմի խստացման ուղղությամբ. հաջորդ փաթեթը վերջինը չի լինի: Այս մասին հայտարարել է Գերմանիայի կանցլեր Օլաֆ Շոլցը Ստրասբուրգում Եվրոպական խորհրդարանի նախագահ Ռոբերտա Մեցոլայի հետ համատեղ ասուլիսում: Հեռարձակումն իրականացրել է գերմանական N-tv հեռուստաալիքը:

Մենք արդեն պատժամիջոցների բարելավումը (ֆունկցիոնալությունը) ընկարկելու ճանապարհին ենք, եւ հաջորդ վերջինը չի լինի: Սա մշտական աշխատանք է», - ասել է նա:

Մայիսի 8-ին Եվրահանձնաժողովը հայտարարեց, որ ավարտել է Ռուսաստանի դեմ պատժամիջոցների 11-րդ փաթեթի

մշակումը եւ այն փոխանցել համայնքի երկրներին համաձայնեցման համար:

ՆՎԱԶԱԳՈՒՅՆ ԱՆԽԱՏԱՎԱՐՁԸ ԹՈՒՐԹԻԱՅՈՒՄ

Թուրքիայում պետական ծառայողների աշխատավարձը կբարձրանա 45%-ով, իսկ նվազագույն աշխատավարձը կկազմի 15000 լիրա: Այդ մասին հայտնել է Anadolu գործակալությունը: Այդ մասին Թուրքիայի նախագահ Ռեջեփ Թայիփ Էրդողանն ասել է 2023 թվականի՝ Հանրային կոլեկտիվ աշխատանքային պայմանագրի ստորագրման արարողության ժամանակ:

«Այս կոլեկտիվ պայմանագրի շրջանակներում մենք 45 տոկոսով բարձրացնում ենք աշխատավարձերը՝ ներառյալ սոցիալական ապահովության բաժինը. այսպիսով, քաղաքացիների ամենացածր աշխատավարձը կլինի 15 հազար լիրա», - հայտնել է Էրդողանը:



ԿԵՂԾ ԹՂԹԱԴՐԱՄՆԵՐ

ԻՆՉ ԵՆ ԲԱՑԱՐԱՅՑԵԼ ԻՐԱՎԱՊԱՐՆԵՐԸ

ArmLur.am-ին հայտնի դարձավ, որ Սարգիս Բրուսյանին մեղադրանք է առաջադրվել, որ նա 2022 թվականի հոկտեմբերից մինչև դեկտեմբերն ընկած ժամանակահատվածում...



թղթադրամներն իրացրել է իր մտերիմ Սարգիս Արմենի Բրուսյանին: Նշվածից հետո Գոռ Հովհաննիսյանի կողմից ձեռք բերված կեղծ արժույթ...

յունային պահարանի վրա դրված պոլիէթիլենային տոպրակից, իսկ Ալլա Զուրաբյանի կողմից Սարգիս Բրուսյանին իրացված երկու հատ կեղծ արտարժույթ...

ՔՆԱՐ ՄԱՆՈՒԿՅԱՆ

ԼՈՒՐԵՐ

Ո՞Վ Է ՄԵՂԱԳՐՅԱԼԸ

ArmLur.am-ին հայտնի դարձավ, որ Մուրադ Նուրիջանյանին մեղադրանք է առաջադրվել այն բանի համար, որ նա, հասարակության նկատմամբ...

ՔՆԱՐ ՄԱՆՈՒԿՅԱՆ

ՈՍՏԻԿԱՆՈՒԹՅԱՆ ՀԱՅՏԱՐԱՐՈՒԹՅՈՒՆ

Մայիսի 6-ին սոցցանցում ել լրատվական կայքերում տեղեկություն էր տարածվել, թե, իբր, պարեկային ծառայության Գեղարքունիքի մարզը...

«Վերոգրյալի մասին հայտնում ենք, որ վարորդը պարեկային ծառայողին է ներկայացրել ոչ թե լրատվական կայքերում հրապարակված վարորդական վկայականը...

Տվյալ անձը մեքենան փաստացի վարել է ուժը կորցրած ժամանակավոր վարորդական իրավունքի վկայականով:

Հարկ է նաև նշել, որ հաշվառման քննական ստորաբաժանման կողմից տրված ժամանակավոր վարորդական վկայականի ժամկետը լրանալուց հետո...

Եվս մեկ անգամ նշենք, որ մայիսի 5-ին՝ իրավախտումն արձանագրելու օրը, տվյալ անձի մոտ եղել է ժամանակավոր վարորդական վկայական, ինչի ժամկետը լրացած է եղել 20.03.2023 թվականին...

Կոչ ենք անում լրատվամիջոցներին չհրապարակել չճշտված եւ ապակողմնորոշող տեղեկություններ, նաեւ անհարկի եւ անհիմն չվարկաբեկել նստիկանության ծառայողին եւ նրա օրինական գործունեությունը»,-նշվում է պարզաբանման մեջ:

ԼՈՒՐԵՐ

ԹՄԲԱՆՅՈՒԹ Է ՏՎԵԼ ՊԱՊԻՆ

Մասիսի քրեական հետախույզները ստացել էին օպերատիվ տեղեկություն, որ Ալյաթապ գյուղի բնակիչ, 64-ամյա մի տղամարդ ապօրինի պահում է օգտագործում է թմրանյութ: Տվյալն իրացնելիս մայիսի 5-ի երեկոյան ստացվեց նոր տեղեկություն, որ թմրանյութ կա նաեւ նրա 16-ամյա թռան մոտ:

Թռռը հայտնաբերվեց Ալյաթապ գյուղի նոր գերեզմանատան մոտ: Նրա պայուսակում կար Մարիխուանայի նմանվող զանգվածով փաթեթ, որը պետք է հասցներ պապին: Գերեզմանատան մոտակայքում հայտնաբերվեց նաեւ պապը: Նա ձերբակալվեց, տեղափոխվեց ոստիկանության Մասիսի բաժին եւ խոստովանեց, որ թռռան մոտ հայտնաբերված Մարիխուանան իրենն է, ինքն է խնդրել փաթեթը փոխանցել իրեն: Ըստ նրա՝ թմրամիջոցի հումքը կանեփն էլ քաղել էր վայրահ թփերից իր օգտագործման համար:

Փաստի առթիվ Մասիսի քննչական բաժնում նախաձեռնվել է քրեական վարույթ:

ՊԱՅԹՅՈՒՆ՝ «ՄԵՐՄԵԳԵՍՈՒՄ»

Մայիսի 9-ին՝ ժամը 03:06-ին, Ճգնաժամային կառավարման ազգային կենտրոն տեղեկություն է ստացվել, որ Սյունիքի մարզային փրկարարական վարչության մոտակայքում լսվել է պայթյունի ձայն, եւ նկատվել է այրվող ավտոմեքենա: Պարզ-



վել է, որ այրվում է Mercedes-Benz մակնիշի ավտոմեքենա (վարորդ՝ Մ. Հ.՝ ծնված 1989 թ.): Հրդեհը մեկուսացվել է ժամը 03:11-ին, մարվել՝ 03:19-ին: Այրվել են ավտոմեքենայի սրահն եւ բեռնախցիկը՝ մասամբ: Հրդեհի հետեւանքով տուժած վարորդը հոսպիտալացվել է Կապան քաղաքի ԲԿ, որտեղ բժիշկները նրա առողջական վիճակը գնահատել են բավարար:

604 ԶՈՐ

Սուղանում բանակի եւ արագ արձագանքման ուժերի (հատուկ ջոկատայիններ)

րի) միջեւ բախումների հետեւանքով գոհված խաղաղ բնակիչների թիվը հասել է 604-ի, վիրավորվել է ավելի քան 65 հազար մարդ: Այս մասին երեքշաբթի տեղեկացրել է Asharq հեռուստաալիքը՝ հղում կատարելով Առողջապահության համաշխարհային կազմակերպության տվյալներին:

ԱՀԿ-ն մինչ այդ տեղեկացրել էր, որ բախումների զոհ է դարձել ավելի քան 450 մարդ, 4-ից ավելի մարդ վիրավորվել է:

Մայիսի 5-ին Սուդանի առողջապահության նախարարությունը գրանցել էր զինված հակամարտության սկզբից ի վեր 551-րդ զոհված խաղաղ բնակիչին:

● Հայտնաբերվել են 1 անհետ կորած եւ 10 հետախույզվող: Կամավոր ներկայացել է 7 հետախույզվող: Գրանցվել է զենք-զինամթերքի կամավոր հանձնման 4 դեպք:

ՀԱՍԱՐԱԿՈՒԹՅՈՒՆ

ՄԱՐԶ

ԻՐԱՎՈՒՆՔՆԵՐԻ ԽԱՆՏՈՒՄ

Չինաստանը, ի պատասխան այն բանի, որ իր դիվանագետը վտարվել է, բողոքի նոտա է հանձնել Շանհայում Կանադայի հյուպատոսին...

Չայտարարությունում նշվել է, որ կանադացի դիվանագետ Ջենիֆեր Լին Լալոնը պարտավոր է հեռանալ Չինաստանից մինչև մայիսի 13-ը:

Ավելի վաղ հայտնի էր դարձել, որ Կանադան անցանկալի անձ էր հայտարարել չինացի դիվանագետին՝ Տորոնտոյում Չինաստանի գլխավոր հյուպատոսության աշխատակցին, եւ վտարել էր նրան երկրից:

Կանադայի ԱԳՆ-ում հայտարարել են, որ չինացի դիվանագետը՝ Չժաո Վեյը, զբաղվել է մի գործունեությամբ, որը կապված է եղել Կանադայի ներքին գործերին միջամտության հետ:

Չինաստանի դեսպանությունն իր հերթին խիստ դատապարտել է Կանադայի իշխանությունների գործողությունները: Օտտավան մեղադրվել է միջազգային իրավունքի հիմնական նորմերի խախտման եւ չին-կանադական հարաբերությունների սաբոտաժի մեջ:

Չինաստանի դեսպանությունն իր դիվանագետին վտարելը համարել է «ստոր» արարք, որը կատարվել է որոշ քաղաքական գործիչների եւ ՋԼՄ-ների հրահրած «չինական միջամտության» մասին ասեկոսների հիման վրա:

ՏՈՒՐԿԻԱՅԻՆ ԼՅՈՒՆՈՒՄ ԱՃ՝ ԱՇԽԱՐՀՈՒՄ

Ուկրաինայում եւ Սուդանում ռազմական հակամարտությունները տուրքեր կույրողով հիվանդացության աճ են առաջացրել աշխարհում...

Գործակալության տվյալներով՝ առանձնահատուկ խնդիր են ներկայացնում փախստականները, որոնք կարող են հիվանդությունը հասցնել Եվրոպա: Իրավիճակը կքննարկվի ՄԱԿ-ի լուսնների ժամանակ:

«Կանգնեցնել տուրքեր կույրող» գործընկերության գործադիր տնօրեն դոկտոր Լուչիկա Դիտիուն նշել է, որ Եվրոպական տարածաշրջանում ամենամեծ թվով տուրքեր կույրողով հիվանդները Ուկրաինայում են՝ 34,000 մարդ, ինչպես նաև մեծ թվով մարդիկ՝ դեղակայուն տուրքեր կույրողով:

«Ուկրաինացիներն իրականում ցույց են տալիս զարմանալի տոկոսություն՝ անելով հնարավոր ամեն ինչ տուրքեր կույրողի բուժման ծառայությունների աջակցության համար... Բայց բոլորին մտահոգում է այն, որ Ուկրաինայում մարդիկ բուժում ստանալու հնարավորություն ունենան», - ասել է Դիտիուն:

ՔՆՆԱՐԿՈՒՄ

ՀԱՄԳՈՐԾԱԿՑՈՒԹՅՈՒՆ՝ ԿՐԹՈՒԹՅԱՆ ԲՆԱԳԱՎԱՌՈՒՄ

Կրթության համալսարանից համաժողովին մասնակցելու նպատակով Լոնդոն այցի Երջանակում ՀՀ ԿԳՄՍ նախարար Ժաննա Անդրեասյանը հանդիպել է Մեծ Բրիտանիայի եւ Հյուսիսային Իռլանդիայի Միացյալ Թագավորության դոկտորների հարցերով ղեկավարար Եիկ Գիբի հետ:

ՀՀ ԿԳՄՍ նախարարության հասարակայնության հետ կապերի եւ տեղեկատվության վարչությունից հայտնեցին, որ հանդիպմանը մասնակցել են ԿԳՄՍ նախարարի տեղակալ Արաքսիա Սվաջյանը եւ Մեծ Բրիտանիայի եւ Հյուսիսային Իռլանդիայի Միացյալ Թագավորությունում Հայաստանի Հանրապետության արտակարգ եւ լիազոր դեսպան Վարուժան Ներսեսյանը: ՀՀ ԿԳՄՍ նախարարը շնորհակալություն է հայտնել ՄԹ դպրոցների հարցերով պետական արտաքին հանդիպման համար՝ կարելի դարձնելով հայ-բրիտանական երկկողմ կապերի զարգացումը կրթության ոլորտում:

Ժաննա Անդրեասյանը ներկայացրել է ՀՀ կրթական համակարգում մեկնարկած լայնածավալ փոփոխությունները՝ ընդգծելով, որ կրթության բոլոր աստիճաններն ընդգրկող բարեփոխումների շրջանում առավել դինամիկ են հանրակրթության փոփոխությունները: Նախարարը նշել է, որ ՀՀ դպրոցներում առաջիկա ուսումնական տարվանից ներդրվելու է Հանրակրթության նոր չափորոշիչը, որը մեծ պատասխանատվություն է հավելյալ ջանքեր է պահանջում: «Բարեփոխումների գլխավոր նպատակը կրթության ոլակի բարելավումն է», - նշել է ԿԳՄՍ նախարարը:



Այս համատեքստում քննարկվել է երկկողմ համագործակցության հնարավորությունը հանրակրթական դպրոցների ուսուցիչների եւ տնօրենների մասնագիտական զարգացման, կրթության տեսչության՝ որպես վերահսկող մարմնի գործունեության բարելավման, ինչպես նաև

գնահատման նոր մոտեցումների արդյունավետ կիրառման ուղղություններով: Անդրադարձ է եղել նաեւ արտադպրոցական ծրագրերի զարգացմանը՝ կարելի դարձնելով համատեղ նախագծերի իրականացման հնարավորությունները: Հանդիպման ընթացքում քննարկվել են նաեւ երկուստեք հետաքրքրություն ներկայացնող այլ հարցեր:

ԼՈՒՐԵՐ ԱՌԱՋԸՆԹԱՑ ՉՈՒՆԵՆՔ

«Հայաստանի ու Ադրբեջանի խաղաղության պայմանագրի բանակցություններում ամենակարեւոր հարցերում, առաջընթաց չունենք», - մայիսի 9-ին «Հաղթանակ» զբոսայգում լրագրողների հետ զրույցում նշեց Անվտանգության խորհրդի քարտուղար Արմեն Գրիգորյանը:

«Դա Հայաստանի Հանրապետության սուվերեն 29 800 քառակուսի կմ-ի արձանագրումն է, Ստեփանակերտ-Բաքու միջազգային մեխանիզմի, ինչպես նաև միջազգային երաշխիքների ստեղծումն է», - ասաց Գրիգորյանը:

Նրա խոսքով՝ նույնիսկ 2020թ. Նոյեմբերի 9-ի փաստաթղթի տարրերի պահպանումն այսօր չի հաջողվում: «Օրինակ՝ ըստ եռակողմ հայտարարության՝ Ադրբեջանը Լաչինի միջանցքում ներկա չպետք է լինի, բայց այս պահին ներկա է: Մեզ համար շատ կարեւոր է, որ պետք է ունենանք միջազգային երաշխավորների ինստիտուտ, որով կլուծենք նման հարցերը»:

Ան քարտուղարը նշեց, թե այս պահին բանակցությունները, ընդհանուր առմամբ, երկկողմ են: Միջնորդները փորձում են օգնել, որպեսզի առաջընթաց գրանցվի: «Հայաստանի համար տարբերություն չկա, թե որ կողմում են դրանք ընթանում»:

Հարցին, թե հայկական կողմի համար արեւմտյան, թե ռուսական հարթակում են ավելի շահավետ պայմաններ եւ առաջարկներ ներկայացվում, Ան քարտուղարը պատասխանեց: «Պայմաններ եւ առաջարկներ արեւմտյան կողմում չեն ներկայացվում: Խաղաղության պայմանագրի վե-



րաբերյալ նախկինում ռուսական կողմն է առաջարկություններ ունեցել: Դրանք իրապարակային հայտնի են, որից մեկը վերաբերում է ԼՂ հիմնախնդրի կարգավորման հետաձգմանը: Ընդհանուր առմամբ, այս պահին բանակցությունները ավելի շատ երկկողմ են: Միջնորդները փորձում են օգնել, որպեսզի առաջընթաց գրանցվի: Հայաստանի համար տարբերություն չկա, թե որտեղ են այդ բանակցություններն ընթանում: Այս պահին դեռեւս չի հաջողվում որեւէ տեղում առաջընթաց գրանցել»:

ԵՌԱԿՈՂՄ ՀԱՆԳԻՊՈՒՄ

«Դուք արդեն ծանոթացել եք պաշտոնական հայտարարություններին թե՛ ԱՄՆ-ի, թե՛ մասնակից երկրների կողմից, տեսաք, որ բոլոր ջանքերն էին գործադրվել բոլոր կողմերից հնարավորինս առաջ մղել խա-

ղաղության օրակարգը», - մայիսի 9-ին «Հաղթանակ» զբոսայգում լրագրողների հետ զրույցում նշեց ԱԳ փոխնախարար Պարույր Հովհաննիսյանը: «Վաշինգտոնում բանակցությունները 4 օր տեւեցին, եւ այդ առումով այն աննախադեպ էր: Արդեն իսկ դրական փաստ էր մեր փորձերը՝ առաջ տանելու խաղաղության գիծը: Մյուս կողմից՝ ոչ ոք չէր ակնկալում հրաջեկներ, բոլոր խնդիրների լուծում: Աշխատանքը շարունակվելու է: Եվրոպական խորհրդի նախագահ Շառլ Միշելին արդեն հայտարարել է, որ հաջորդ հանդիպումը տեղի կունենա Բրյուսելում, այնուհետեւ կշարունակվի Մոսկվայում եռակողմ ձեռնարկով», - ասաց նա: Հարցին՝ կան արդյոք հարցեր, որոնց շուրջ կողմերն ընդհանուր հայտարարի են եկել, փոխնախարարը պատասխանեց: «Հարցերը շատ են: Հիմա բարդ է առանձնացնել 1-2 հարց: Փաստը, որ բանակցությունները շարունակվում են այդպիսի ինտենսիվությամբ, արդեն լավ նշան է»:

● Նախկինում կատարված հանցագործություններից բացահայտվել է մարմնական վնասվածք պատճառելու, անձնական ունեցվածքի գողության եւ խուլիգանության 1-ական դեպք:

ՍՈՑԻԱԼԱԿԱՆ

ԱՐՁԱՆԱԳՐԵԼ ԵՆ

ՄԵՆԴԱՄԹԵՐՔԻ ԳՆԵՐԸ՝ ՀԱՆՐԱՊԵՏՈՒԹՅՈՒՆՈՒՄ

2023թ. ապրիլին, 2022թ. ապրիլի համեմատ, հանրապետությունում արձանագրվել է սննդամթերքի եւ ոչ ալկոհոլային խմիչքի 1.2%, իսկ 2023թ. մարտի համեմատ՝ 0.2% գնաճ:

Հանրապետության դիտարկվող բոլոր քաղաքներում 2023թ. ապրիլին, մարտի համեմատ, սննդամթերքի եւ ոչ ալկոհոլային խմիչքի գներն աճել են 0.1-0.6%-ով (գնաճի ամենաբարձր ցուցանիշներն արձանագրվել են Վաղարշապատ եւ Կապան քաղաքներում): Մայրաքաղաքում սննդամթերքի եւ ոչ ալկոհոլային խմիչքի գներն աճել են 0.1%-ով:

Հնդկացորենի գինը 2023թ. ապրիլին, 2022թ. ապրիլի համեմատ, նվազել է 18.5%-ով, ոսպիկը՝ 13.9%-ով, ալյուրինը՝ 8.4%-ով, բրնձինը՝ 6.9%-ով, ոլոռինը՝ 6.1%-ով, լոբունը՝ 3.3%-ով, մակարոնեղենինը՝ 1.9%-ով, ձավարինը՝ 1.8%-ով, հաճարինը՝ 1.7%-ով, իսկ 2023թ. մարտի համեմատ՝ համապատասխանաբար 2.3%, 2.2%, 3.2%, 1.4%, 1.9%, 0.2%, 2.1%, 0.3% եւ 0.8%-ով:

2023թ. ապրիլին, 2022թ. ապրիլի համեմատ, հանրապետությունում արձանագրվել է հացի 1.9%, մարգարինի՝ 2.6%, թարմ կաթի՝ 5.9%, պանիրի՝ 11.4% գնաճ, իսկ 2023թ. մարտի համեմատ՝ համապատասխանաբար 3.4%, 2.2%, 0.4%, 0.9% գնանկում:

Շաքարի եւ շաքարավազի ապրանքայիններում 2023թ. ապրիլին, 2022թ. ապրիլի համեմատ, արձանագրվել է 10.7%, իսկ 2023թ. մարտի համեմատ՝ 1.5% գնանկում:

2023թ. ապրիլին, 2022թ. ապրիլի համեմատ, գրանցվել է տավարի մսի 17.3%, գառան մսի՝ 1.3% գնաճ եւ խոզի մսի՝ 13.0% գնանկում, իսկ 2023թ. մարտի համեմատ՝ 0.2%, 0.2% եւ 1.5% գնանկում:

Չվի գինը 2023թ. ապրիլին, 2022թ. ապրիլի համեմատ, նվազել է 1.8%-ով, իսկ 2023թ. մարտի համեմատ՝ 1.5%-ով:

2023թ. ապրիլին, 2022թ. ապրիլի համեմատ, արեւածաղկի բուսական յուղի գինը նվազել է 28.9%-ով, իսկ 2023թ. մարտի համեմատ՝ 5.2%-ով:

Դրան զուգընթաց, թռչնամսի գինը 2023թ. ապրիլին, 2022թ. ապրիլի համեմատ, նվազել է 0.4%-ով, իսկ 2023թ. մարտի համեմատ՝ գրանցվել է 0.4% գնաճ:

Բանջարեղենի ապրանքայիններում 2023թ. ապրիլին, 2022թ. ապրիլի համեմատ, արձանագրվել է 8.4% գնանկում, իսկ 2023թ. մարտի համեմատ՝ 2.6% գնաճ:

Մրգի ապրանքայիններում 2023թ. ապրիլին, 2022թ. ապրիլի համեմատ, գներն աճել են 6.6%-ով, իսկ 2023թ. մարտի համեմատ՝ 6.3%-ով:

ՀԱՅՏԱՐԱՐՈՒԹՅՈՒՆ

ԱՐՑԱԽԸ 148 ՕՐ Է՝ ՇՐՋԱՓԱԿՄԱՆ ՄԵՋ Է

Արցախի Հանրապետության սարածախի կառավարման եւ ենթակառուցվածքների նախարարությունը մայիսի 8-ին հայտարարություն է հանձնել, որում նշվում է. «Ե՛րեք ամսից ավելի է, ինչ Ադրբեջանը խաչընդհատ է Արցախ-Քերձուր հասկանում Հայաստանից Արցախ սննդ միակ բարձրագույն գծի վթարը վերացնել:

Ընդգետնի ճգնաժամը խորացնելու նպատակով Ադրբեջանը պարբերաբար խափանում էր Հայաստանից Արցախ մտնող գազատարի աշխատանքները: Վերջին անջատումից արդեն անցել է 2 ամիս: Արդյունքում Սարսանգի ջրամբարի վրա կառուցված ՀԷԿ-ը Ընդգետնի ճգնաժամը մեղմելու միակ տարբերակն էր, եւ ձմռանը էլեկտրաէներգիա ստանալու համար աննախադեպ շատ ջուր է բաց թողնվել ջրամբարից:

Առաջին լուսանկարում Սարսանգի ջրամբարն է միջնա Ադրբեջանի կողմից Արցախի շրջափակումը, իսկ երկրորդ նկարում ջրամբարի ներկայիս վիճակը»:

2023 թվականի մայիսի 2-8-ն ընկած ժամանակահատվածում ՆԳՆ ԱԻ պետական ծառայության կենտրոնական ու տարածքային ստորաբաժանումների 911 ճգնաժամային կառավարման կենտրոններում գրանցվել է 1855 գնաճ: Կանչերից 11-ը՝ տեխնածին, 28-ը կենցաղային բնույթի են:

ՆԳՆ ԱԻՊԾ-ից տեղեկացում են, որ շաքարիկ ընթացքում արագ արձագանքման հատուկ ստորաբաժանման օպերատիվ խմբերը կատարել են փակված 7 դռան եւ 6 վերելակի բացում: Փրկարարների օգնությամբ 2 քաղաքացի տեղափոխվել է բուժօգնություն:

«Օձի հայտնաբերման վերաբերյալ 1 կանչ է գրանցվել: Սորումը հայտնվել է Ասկերան քաղաքի Սյանիկյան փողոցի բնակելի տներից մեկում: Փրկարարները հայտնաբերել են տեղափոխվել են անվտանգ տարածք:

Հրդեհ փրկարարները շաքարիկ ընթացքում կատարել են 3 ելք: Հրդեհի բոլոր դեպքերն արձանագրվել են Ստեփանակերտ քաղաքում: Հրդեհներն իրականացրել են հրդեհաշիջման եւ համապատասխան կանխարգելիչ գործողություններ:

Մեկ շաքարիկ ընթացքում սակրավորները կատարել են 4 ելք: Հետախուզական աշխատանքների արդյունքում հանրապետության տարածքից հայտնաբերվել է շուրջ 169 միավոր տարբեր տեսակի ու տրամաչափի ռազմամթերք: Սակրավորները արձագանքում են

քաղաքացիների կողմից հայտնաբերված, չպայթած գեներ-գինամթերքի մասով բոլոր ահազանգերին, անհրաժեշտության դեպքում տեղում իրականացնում պայթեցման աշխատանքներ, որի մասին ՏՅՏ հաղորդագրությամբ իրազեկվում է քաղաքացիներին:

Կյանքի համար վտանգ հանդիսացող գինամթերքի հայտնաբերման մասով մեկ կանչ է գրանցվել մայիսի 6-ին: Շոշ համայնքի բնակիչը գյուղի դպրոցի մոտ գտնվող իրեն պատկանող հողատարածքում հայտնաբերել է հրթիռակասետային եւ մեկ գնդիկաբեկորային ռումբ: Նույն օրը ռազմամթերքը տեղում վնասազերծվել է:

Շուրջօրյա ծառայության ընթացքում փրկարարներն օգնություն են ցուցաբերում բնակչությանը, արձագանքում քաղաքացիների բոլոր ահազանգերին: Դրան զուգահեռ, պարբերաբար անցկացվում են մասնագիտական եւ ֆիզիկական պատրաստության դասընթացներ փրկարար ծառայողների մասնագիտական ունակությունների բարձրացման նպատակով»,- ասված է հաղորդագրության մեջ:

Գլխավոր դատախազության հանրային կապերի բաժնից հայտնում են, որ Սյունիքի մարզի ընդհանուր իրավասության դատարանը Հայաստանի սահմանը հատած երկու ադրբեջանցի զինծառայողներից մեկին՝ Ազգյան Բաբիրովին, դատապարտել է 11 տարի 6 ամիս ազատազրկման:

«Դատարանի մայիսի 4-ի 2023 թվականի դատավճռով Բաբիրովի նկատմամբ վերջնական պատիժ է սահմանվել ազատազրկում 11 տարի 6 ամիս 15 օր ժամկետով»,- հայտնեցին Գլխավոր դատախազության հանրային կապերի բաժնից: Ադրբեջանցի զինծառայողը մեղավոր է ճանաչվել սահմանն ասպրինի հատելու, պետական սահմանով հրազեն եւ ռազմամթերք ասպրինի տեղափոխելու համար: Նա ընդունել է իրեն առաջարկված մեղադրանքը:

Երկրորդ զինծառայողի՝ Հուսեյն Ախունդովի քրեական քննությունը շարունակվում է: Նա մեղադրվում է նաեւ «Ջանգեզուրի պղնձամուխրեղենային կոմբինատ»-ի պահակին սպանելու համար:

Երեկ Արցախի ԱԳՆ-ն հայտարարություն է տարածել Ադրբեջանի հրահրած վերահաս բնապահականական արդարի վերաբերյալ՝ անհրաժեշտ համարելով ՄԱԿ-ի մեկտանգրության խորհրդի անհապաղ եւ վճռական միջամտությունը՝ թույլ չտալու մարդու իրավունքների գնահատմանը ու կանոնավոր խախտումների շարունակումն Արցախում եւ կասեցնելու Ադր-

բեջանի հանցավոր ծրագրերն ու ցեղասպան մտադրությունները:

Հայտարարության մեջ ասվում է. «Գրեթե 5 ամիս է, ինչ շարունակվում է Արցախի Հանրապետության պաշարումը, որն ուղեկցվում է տրանսպորտային եւ էներգետիկ ասպրինի շրջափակման եւ հանդիսանում է Ադրբեջանի կողմից պետական մակարդակով համակարգված ու հետեւողականորեն իրականացվող էթնիկ զտումների քաղաքականության հիմնական գործիքներից մեկը: Այս քաղաքականության շրջանակներում ադրբեջանական կողմը փորձում է ոչ միայն անտանելի սոցիալ-տնտեսական պայմաններ ստեղծել, այլ նաեւ արհեստականորեն հրահրել բնապահական արդարի եւ խարխուլել Արցախի կայուն զարգացման հիմքերը:

Մասնավորապես, ադրբեջանական կողմը խոչընդոտում է Հայաստանից Արցախ մտնող միակ բարձրավորտ հոսանքագծի վթարի վերացումն Արցախ-Քերձուր հատվածում: Ընդգետնի ճգնաժամը խորացնելու նպատակով ադրբեջանական կողմը կանոնավոր կերպով խափանել է նաեւ Հայաստանից Արցախ մտնող գազատարի աշխատանքը: Վերջին անջատումից արդեն 2 ամիս է անցել: Արդյունքում Սարսանգի ջրամբարի վրա գտնվող հիդրոէլեկտրակայանը դարձավ էներգետիկ ճգնաժամը մեղմելու միակ հնարավորությունը, սակայն ադրբեջանական իշխանությունների՝ պաշարման եւ էներգետիկ շրջափակման ջրադարձ քաղաքականությունը հանգեցրեց նրան, որ ցրտանոց ձմռան ընթացքում Արցախի պաշարված բնակչության համար անհրաժեշտ էլեկտրաէներգիա արտադրելու նպատակով ջրամբարից բաց թողնվեց աննախադեպ քանակությամբ ջուր:

Արցախի իշխանությունները բազմիցս միջազգային հանրության ուշադրություն են հրավիրել այն փաստի վրա, որ Ադրբեջանի կողմից Հայաստանից Արցախ բնական գազի եւ էլեկտրաէներգիայի մատակարարման միտումնավոր արգելափակման շարունակումը կհանգեցնի արդարի հետեւանքների, մասնավորապես՝ Սարսանգի ջրամբարի համար, որը քաղաքացիական ջրի անհատաշրջ ու կենսական նշանակություն ունեցող աղբյուր է Արցախում: Սարսանգի ջրամբարի ցամաքումը բնապահականական լուրջ հետեւանքներ կառաջացնի տարածաշրջանի ողջ էկոհամակարգի համար: Արցախի, ինչպես նաեւ Ադրբեջանի որոշ շրջանների բնակչությունը կզրկվի տրամալ կենսագործունեության համար անհրաժեշտ ջրային ռեսուրսներից»:

«ՈՐ ԱՐՅԱԽԻ ԷԹՆԻԿ ԶՏԱՆՈՒՄ»

Մայիսի 9-ին Ստեփանակերտի Վերածննդի հրադարձում տեղի ունեցավ «Ո՛չ Արցախի էթնիկ զստմանը» ցարժան խմբի նախաձեռնությամբ կազմակերպված հանրահավաքը:

Հանրահավաքը մեկնարկեց Տերուսական աղբյուր: Ներկաները լուրջությամբ րոպեով հարգեցին Մեծ Հայրենական եւ արցախյան պատերազմներում նահատակվածների հիշատակը:

«Ո՛չ Արցախի էթնիկ զստմանը» շարժման նախաձեռնողները վերահասատեցին իրենց պահանջներն ու պայքարելու վճռականությունը՝ ազատ ապրելու իրավունքի համար:

Այնուհետեւ ներկայացվեց օրերս նախաձեռնված ստորագրահավաքի պահանջագրի տեքստը՝ ուղղված ՄԻ համանախագահ երկրների դեկլարանտներին ու ՀՀ վարչապետին:

«Արցախի Հանրապետության քաղաքացիները նրանց ուշադրություն են հրավիրում Ադրբեջանի կողմից 2020 թվականի նոյեմբերի 9-ին կնքված հայտարարության դրույթների կոպտագոյն խախտումների վրա: Ադրբեջանն իր գործողություններով իրականացնում է էթնիկ զստման քաղաքականություն, ժողովրդին

իր հայրենիքից զրկելու ցեղասպանական գործողություններ՝ շրջափակման մեջ պահելով 120000 բնակչությանը: Մենք պահանջում ենք կիրառել բոլոր միջազգային մեխանիզմները՝ ապահովելու 2020 թվականի նոյեմբերի 9-ի եռակողմ հայտարարության դրույթները, ինչպես նաեւ ՄԱԿ-ի արդարադատության միջազգային դատարանի որոշումների կատարումը»,- ասված է հայտարարության մեջ:

Ազատամարտիկ Կարմեն Ավետիսյանը, շնորհավորելով Եռատողի առթիվ, նշեց, որ իրենց սերունդը կատարել է այն, ինչը շատերին անհնարին էր թվում:

«Հայրենակել ենք, որովհետեւ միասնական ենք եղել: Այսօր էլ միասնական ու բռնկեցվելու կարիք կա»,- ընդգծեց ազատամարտիկը:

Արցախի Հանրապետության նախկին պետ նախարար Ռուբեն Վարդանյանն իր խոսքում հանդգնեց հայտնեց, որ հարթակները միշտ հիշվելու են, եւ դեռ կերտվելու են նորերը:

«Ապրիլի 23-ին Ադրբեջանը խախտեց կարմիր գծերը՝ ղեկավարեց անցակետ: Այդ կարմիր գծերի խախտումը, որպես արժանապատիվ մարդ, ստիպում է պայքարել, որովհետեւ ուրիշ տար-

բերակ չկա: Ոչ ոք չպիտի սահմանափակի մեր ազատ մուտքն ու ելքը դեպի Հայաստան: Մենք 149 օր շրջափակման մեջ ենք, ջունեք գազ, լույս, գիտեք Սարսանգի ջրամբարի վիճակը: Ունենք մեծ խնդիրներ, բայց չենք ընկճվում: Այո, ծանր է վիճակը, բայց գիտեք մի բան՝ ոչ մի «ռեֆինանցման» մասին խոսք չի կարող լինել: Մենք պաշտպանում ենք մեր տունը, քաղաքներն ու գյուղերը, գեղեզմանները, մեր հողի վրա ապրելու իրավունքը: Մենք չենք ուզում ոչ մեկի վրա հարձակվել, ուզում ենք հանգիստ, երջանիկ ապրել մեր հայրենիքում: Մենք պատաստ ենք բանակցություններին, բայց այդ բանակցությունները չեն կարող լինել՝ ատրճանակը գլխին դրած, այլ երկկողմանի հարգանքի պարագայում միայն»,- ասաց Վարդանյանը՝ Արցախի շուրջ համախմբման կոչ անելով համայն հայությանը:

Հանրահավաքին ներկա էին նաեւ Արցախի Հանրապետության նախագահ Արայիկ Զարուբյանը, երկրորդ եւ երրորդ նախագահներ Արկարի Դուրայանն ու Բակո Սահակյանը, Ազգային ժողովի նախագահ Արթուր Թովմասյանը:

«ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար գանգահարել 094-455-456 հեռախոսահամարով:




ՊԱՏԱՆԻ ԿՈՄՊՈԶԻՏՈՐ

ՄԻՐԶՈՅԱՆԱԿԱՆ ՄՐՅՈՒՅԹ՝ ԵՐԵՎԱՆՈՒՄ

Էդվարդ Միրզոյանի անվան դասանի կոմպոզիտորների հանրադասական 10-րդ մրցույթին, որը մեկնարկելու է մայիսի 10-ին, կմասնակցի սասնիկնգ հայազգի դասանի կոմպոզիտոր: Կրս-սեր խմբում հանդես կգան Քազիկ Ավետիսյանը, Վիլյամ Չիլինգարյանը, Արսաես Մոսիսյանը, Հայկ Ջուլիակ-յանը, Արմեն Շահվերդյանը, Շավարս Միրեկանյանը, իսկ ավագ խմբում՝ Մյուզաննա Աղամալյանը, Արաբ Մաճյանը, Արման Աֆրիկյանը, Արսեն Գարսոյանը, Ալեքս Գեորգյանը, Էրիկա Մարկոսյանը, Հայկ Մարտիրոսյանը, Էդգար Մխիթարյանը, Վիկտորիա Ուլիխանյանը:

Առաջին փուլը (մայիսի 10՝ Ժ. 17:00, Հա-յաստանի կոմպոզիտորների միության համերգասրահ) կկայանա Երեւանում, իսկ երկրորդ փուլը (մայիսի 12՝ Ժ. 17:00, Լ. Վ. Բեթհովենի անվան համերգասրահ) եւ գալա համերգը (մայիսի 13՝ Ժ. 18:00, Լ. Վ. Բեթհովենի անվան համերգասրահ)՝ Դի-լիջանում: Մշակութային-պատանեկան մրցույթների պատմության մեջ եզակի դեպք է, որ նախագիծն իրականանում է երկու քաղաքներում:

Պատանի կոմպոզիտորները հանգրվա-նելու են Էդվարդ Միրզոյանի անունը կրող Դիլիջանի կոմպոզիտորների ստեղծա-գործական տանը, ինչը կնպաստի ինչպես տոնական մթնոլորտի ձեւավորմանը, այնպես էլ կստեղծի հիանալի հնարավոր-րություն մի քանի օր շարունակ միասին անցկացնելու հարուստ մշակութային



ավանդույթներ ունեցող կառույցում: Գա-լա համերգն իր տեսակով տարբերվող կլինի:

Բացի մրցանակային հորիզոնականներ զբաղեցրած մասնակիցներից, ելույթ կու-նենան նաեւ Հայաստանի կոմպոզիտոր-ների միության նախագահ Արամ Սաթյա-նը, ՀՀ ժողովրդական արտիստ Մարտին

Վարդազարյանը, Միրզոյանական առա-ջին մրցույթի հաղթող Ալեքսանդր Հարու-թյունյանը, ինչպես նաեւ Տավուշի թեմի «Տաւուշ» մանկապատանեկան երգչա-խումբը: Մուտքն ազատ է:

Մրցույթն իրականացնում է Հայաստա-նի կոմպոզիտորների միությունը՝ ՀՀ ԿԳՄՍ նախարարության աջակցությամբ:

ԼՈՒՐԵՐ

ԲԱՆԱԿՑՈՒԹՅՈՒՆՆԵՐ

Լոնդոնի «Չելսի» բանակցում է Գերմա-նիայի չեմպիոն Մյունխենի «Բավարիայ» հետ սենեգալցի հարձակվող Սադիո Մա-նեի տրանսֆերի հարցով: հաղորդում է ին-սայդեր Պեդրո Ալմեյդան թվիթերյան էջում: Անգլիական ակումբն այժմ ֆավորիտն է Սադիո Մանեի տրանսֆերի համար պայքա-րում: «Բավարիայ» ղեկավարությունը դժ-գոհ է ֆուտբոլիստից, որը չկարողացավ հարմարվել նոր թիմում: Գերմանացի գլ-խավոր մարզիչ Թոմաս Տուխելը եւս տպա-վորված չէ Մանեի խաղից եւ դեմ չի լինի նրա վաճառքին: Մանեն անցած տարվա ամռանն է անգլիական «Լիվերպուլից» տե-րափոխվել «Բավարիա»: Ութսուցիկ մր-ցաշրջանում Մանեն մասնակցել է 36 հան-դիպման, խփել է 12 գոլ, կատարել 5 գոլա-յին փոխանցում: Transfermarkt-ը Մանեի տրանսֆերային արժեքը գնահատում է 45 միլիոն եվրո:

ՄԵՍԻԻ ԿԻՆԸ ԳԵՄ Է

Աշխարհի չեմպիոն Արգենտինայի հա-վաքականի եւ Ֆրանսիայի չեմպիոն ՊՍԺ-ի 35-ամյա հարձակվող Լիոնել Մեսսիի կինը դեմ է Սաուդյան Արաբիա տեղափոխվե-լուն: «Ալ-Յիլալը» Մեսսիին առաջարկել է 400 միլիոն եվրոյի պայմանագիր, սակայն Աստոնեյա Ռոուլուցն չի ցանկանում երեք որդիների հետ ապրել օտար մշակույթում: հաղորդում է ֆրանսիական L'Equipe-ը: Մե-սիի պայմանագիրը ՊՍԺ-ի հետ կավարտ-վի հունիսին: Նա ցանկանում է վերադառ-նալ «Բարսելոնա», սակայն ֆինանսական խնդիրներ ունեցող կատալոնական ակում-բից պաշտոնական առաջարկ դեռ չի ստացել:

«100 ԳԱՂԱՓԱՐ՝ ՀԱՅԱՍՏԱՆԻ ՀԱՄԱՐ»

Երկարաձգվել է «100 գաղափար՝ Հա-յաստանի համար» նորարարական նա-խագծերի եւ գիտատեխնիկական մշա-կունների համահայկական մրցույթի ճար-տարապետություն անվանակարգում հայ-տերի ընդունման ժամկետը: Մրցույթի նպատակն է զարգացնել երիտասարդնե-րի նորարարական մտածողությունը, ներգ-րավել երիտասարդներին Հայաստանի Հանրապետության սոցիալ-տնտեսական զարգացման խնդիրների լուծման գործըն-թացներում, խթանել գիտատեխնիկական մշակումներն ու նորարարական նախագ-ծեր իրականացնելու քաղաքացիական նախաձեռնությունները: Մրցույթին կարող են մասնակցել Հայաստանի եւ սփյուռքի 16-35 տարեկան երիտասարդներ կամ հե-ղինակային խմբեր: Ծարտարապետու-թյուն անվանակարգում հայտերի ընդուն-ման ժամկետը երկարաձգվել է մինչեւ 2023 թվականի մայիսի 18-ը ներառյալ: Հայտերն անհրաժեշտ է ուղարկել youth@escs.am էլեկտրոնային հասցեին՝ «Թեմա» բաժնում նշելով մրցույթին ներ-կայացվող գաղափարի անվանակարգը: Հարցերի դեպքում կարող եք զանգահա-րել 010599642: Մրցույթին ներկայացված գաղափարներից մրցութային հանձնաժո-ղով կընտրվի լավագույն գաղափար, որին կտրվի դրամական պարգև՝ 500.000-ա-կան դրամի չափով: Մրցութային հանձնա-ժողովը առավելությունը կտա այն գաղա-փարներին, որոնք կապահովեն՝ -նորարար եւ կիրառական նշանակու-թյուն, -ներկայացված գաղափարի շարունա-կականություն, -գաղափարը կունենա հանրային մա-սակցության բաղադրիչ, -կառաջարկեն միջգիտակարգային լու-ծումներ:

ԲՐԻՏԱՆԱԿԱՆ ԹԱՆԳԱՐԱՆ

«ՇՔԵՂՈՒԹՅՈՒՆ ԵՎ ՈՒԺ. ՊԱՐՍԿԱՍՏԱՆԻՑ ՀՈՒՆԱՍՏԱՆ»

ՀՀ ԿԳՄՍ նախարարությունից ArmLur.am-ին հայտնեցին, որ դասն-նական այցով Մեծ Բրիտանիայի եւ Հյուսիսային Իռլանդիայի Միացյալ Թագավորությունում գտնվող ՀՀ կրթու-թյան, գիտության, մշակույթի եւ սպորտի նախարար Ժամնա Անդրեասյանը եւ նախարարի տեղակալ Արաբ Մվազ-յանն այցելել են Բրիտանական թանգա-րան եւ դիտել «Շքեղություն եւ ուժ. Պարսկաստանից Հունաստան» խորագ-րով ցուցահանդեսը, հանդիպել թան-գարանի սնորհն Հարթվիգ Ֆիլերի հետ:



ված կավե արջակերպ ծիսանոթը (Ք.ա. I դ.): Այցելուների հատուկ խմբի համար կազմակերպված փակ դիտումների ժա-մանակ հատկապես ուշադրության է ար-ժանացել Հայաստանի պատմության թանգարանից տրամադրված արջակերպ ծիսանոթը, որը մեկ ցուցափեղկում է հա-մադրված Բրիտանական թանգարանում պահվող համաժամանակյա մեկ այլ բարձ-րարժեք ցուցանմուշի՝ Անահիտ աստվա-ծուհու կիսանդրու հետ: Այս ցուցանմուշ-ներն իսկական բացահայտում են դարձել Բրիտանական թանգարանի մասնագետ-ների համար: Բրիտանական թանգարանի տնօրեն Հարթվիգ Ֆիլերի հետ հանդիպմանը քն-

նարկվել են հայ-բրիտանական համատեղ ցուցադրությունների կազմակերպման հնարավորություններին առնչվող հարցեր: Անդրադարձ է եղել թանգարանների կա-ռավարման խնդիրներին՝ մասնավորա-պես կարելու էր ընդլայնել ցուցադրությունների արդյունավետ կազմակերպման մոդելնե-րի ներդրումն ու զարգացումը, ինչպես նաեւ միջթանգարանային երկկողմ կապե-րի ամրապնդումը: Հիշեցնենք, որ ՀՀ կրթության, գիտու-թյան, մշակույթի եւ սպորտի նախարար Ժամնա Անդրեասյանը եւ նախարարի տե-ղակալ Արաբ Մվազյանը Լոնդոն են մեկնել՝ մասնակցելու Կրթության համաշ-խարհային համաժողովին:

● Մայիսի 11-ին Կոմիտասի անվան կամերային երաժշտության տանը տեղի կունենա «Տեսիլք» հա-մերգը: Տոմսերի արժեքը՝ 2000-5000 դրամ: Սկիզբը՝ ժամը 19:00-ին:



Էջը՝ ՌՈԶԱ ՊՈՂՈՍՅԱՆԻ

ԿԱՐԳ

**ՀԱՐՑ.** Խնդրում եմ ասել՝ հետագա արտահանման դարավորությամբ Հայաստանի Հանրապետությունն ներմուծված սրանդուրային միջոցները սահմանված ժամկետում չարտահանելու դեպքում որքան տուգանք է սահմանված:

Հրաչ Միքայելյան (42 տարեկան)



**ՊԱՏԱՍԽԱՆ.** Հ. Միքայելյանի հարցին ի պատասխան՝ տեղեկացնում ենք, որ Հայաստանի Հանրապետության մաքսային օրենսգրքի 199-րդ հոդվածի համաձայն՝ հետագա արտահանման պարտավորությամբ ՀՀ ներմուծված ապրանքները եւ տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները եւ տրանսպորտային միջոցները սահմանված ժամկետում ՀՀ չներմուծելը առաջացնում է տուգանքի նշանակում խախտման օրվա դրությամբ այդ ապրանքների եւ տրանսպորտային միջոցների համար «ներմուծում ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

Նույն խախտումը, որը զուգորդվել է ապրանքների կամ տրանսպորտային միջոցների օտարմամբ, առաջացնում է տուգանքի նշանակում օտարված ապրանքների եւ տրանսպորտային միջոցների մաքսային արժեքի չափով:

ՀՀ պետական եկամուտների կոմիտե

**«ԺՈՂՈՎՈՒՐԳ».** Նշենք, որ սահմանված ժամկետում մաքսային մարմիններին ապրանքների եւ տրանսպորտային միջոցների վերաբերյալ մաքսային հայտարարագիր չներկայացնելը, ինչպես նաեւ մաքսային հսկողություն իրականացնելու համար ապրանքների եւ տրանսպորտային միջոցների վերաբերյալ անհրաժեշտ փաստաթղթերը չներկայացնելը, անկախ գրավոր հայտարարագիր ներկայացնելուց, առաջացնում է տուգանքի նշանակում 50,000 դրամի չափով:

ՀԱՍԱՐԱԿՈՒԹՅՈՒՆ

**ՀԱՐՑ.** Ուզում եմ իմանալ՝ ինչո՞ւ է կարելի է ձեռք բերել կառուցվող բազմաբնակարան շենքում բնակարան կամ ոչ բնակելի սարածք:

Տիրուհի Հարությունյան (30 տարեկան)



**ՊԱՏԱՍԽԱՆ.** Քաղաքացու հարցին ի պատասխան՝ հայտնում ենք, որ կառուցվող բազմաբնակարան կամ ստորաբաժանված շենքերում բնակարան կամ ոչ բնակելի տարածք ձեռք բերելիս սեփականության իրավունքով ձեռք է բերվում հողամասի համապատասխան բաժնային մասը: (Հայաստանի Հանրապետության քաղաքացիական օրենսգրքի 224-րդ հոդված):

ՀՀ կադաստրի կոմիտե

**«ԺՈՂՈՎՈՒՐԳ».** Նշենք, որ ՀՀ քաղաքացիական օրենսգրքի 225-րդ հոդվածի համաձայն՝ բնակելի տարածության օգտագործման իրավունքը անձի՝ ուրիշի սեփականություն հանդիսացող բնակելի տարածությունում բնակվելու իրավունքն է: Հողամասի մասը կարող է օտարվել առանց նախօրոք առանձնացվելու: Դրա համար օտարման պայմանագրին, որպես դրա անբաժանելի մաս, պետք է կցված լինի հողամասի օտարող մասի հատակագիծը:

ԼՈՒՐ ԿԱՐԴ

Լուսանկարն արվել է Արցախում



Հայտնաբերվել է Կարմիր գրքում գրանցված վիրավոր լորանուռակ:  
«Ճգնաժամային կառավարման ազգային կենտրոնի ահազանգ է ստացվել, որ Երեւանի Ֆուչիկի փողոցի թիվ 21 շենքի մոտակայքում նկատվում է վիրավոր թռչուն:  
Պարզվել է, որ հայտնաբերված թռչունը վիրավոր լորանուռակ է (գրանցված է ՀՀ կարմիր գրքում):  
Փրկարարները բռնել են թռչունին եւ տեղափոխել Երեւանի Կենդանաբանական այգի»,- ասված է հաղորդագրության մեջ:

ԲԱԺՆՈՐԴԱԳՐՈՒԹՅՈՒՆ

Մեր թերթը  
Բաժանորդագրվելու  
համար կարող եք դիմել

«Հայմամուլ» ՓԲԸ  
հեռ. 45-82-00, 45-19-11

«Հայփոստ» ՊՓԲԸ  
հեռ. 51-45-46, 51-45-47

«Բլից-Մեդիա» ՍՊԸ  
հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադառնանք ձեր բարձրացրած բոլոր խնդիրներին:

**ԱՌԱՋԱՐԿ**  
**հայկական տպագիր մամուլից**

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

**Բաժանորդագրության բլանկ**

Անուն՝ \_\_\_\_\_  
Ազգանուն՝ \_\_\_\_\_  
Առաքման հասցե՝ \_\_\_\_\_  
Բջջային եւ/կամ քաղաքային հեռախոս՝ \_\_\_\_\_

Հեռ.՝ (060) 490049  
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	- 2 + 2 +14 + 18	Արարատ	+ 7 + 10 +24 + 26
Կոտայքի լեռներ	- 2 + 2 +13 + 16	Արմավիր	+ 6 + 8 +24 + 26
Կոտայքի նախալեռներ	+ 5 + 7 +18 + 20	Վայոց ձորի լեռներ	- 1 + 2 +14 + 16
Գեղարքունիք	0 + 4 +13 + 18	Վայոց ձորի նախալեռներ	+ 5 + 5 +19 + 23
Լոռի	+ 2 + 6 +12 + 18	Սյունիքի հովիտներ	+ 8 + 11 +23 + 28
Տավուշ	+ 3 + 8 +20 + 24	Սյունիքի նախալեռներ	+ 3 + 6 +17 + 20
Արագածոտնի լեռներ	- 1 + 3 +13 + 16	Արցախ	+ 7 + 11 +20 + 25
Արագածոտնի նախալեռներ	+ 5 + 8 +18 + 23	Երեւան	+ 7 + 9 +21 + 23

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ  
Հասցեն՝ ք. Երեւան, Աբովյան 22<sup>ա</sup>/3, հեռ՝ 010 54-64-23  
Պետական գրանցման վկայականի համարը՝ 03Ա089086  
տրված է 24.11.2010  
Ստորագրված է տպագրության 9.5.2023

Գլխավոր խմբագիր՝  
**ՔՆԱՐ ՄԱՆՈՒԿՅԱՆ**

Տպագրված է «ԳԻՆՂ» տպարան ՍՊԸ հրատարակչությունում  
խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: